



Claude WISELER  
President vun der  
Chamber vun den Deputéierten  
19, um Krautmaart  
L-1728 Lëtzebuerg

Lëtzebuerg, den 23/07/2024

Här President,

**Sou wéi den Artikel 80 vun eisem Chambersreglement et virgesäit, bieden ech lech, dës parlamentaresch Fro un d'Ministere fir Justiz & Bildung, Kanner a Jugend weiderzeleeden.**

An der Äntwert op eis parlamentaresch Fro n°808 huet d'Justizministesch eis verschidden Zuele geliwwert zu de Scheedungen. Wat d'Zuele vum Droit de Garde vu Kanner a Scheedungsfäll betrëfft, esou schreift d'Ministesch:

*Am Fall vun engem divorce pour rupture irrémédiable des relations conjugales versicht de Riichter d'Parteien ze versönnen, respektiv hinnen ze hëllefen een Accord ze fannen, betreffend der Residenz vun de Kanner an de Modalitéite vum Besuchsrecht. Falls keen Accord zustane kënn, hält de Riichter eng Decisioun a Funktioun vum Interêt vun de Kanner. [...]*

*Bei klenge Kanner, respektiv Kanner déi nach gestëllt ginn, gëtt d'Residenz meeschtens bei der Mamm fixéiert. De Papp kritt an dëse Fäll e reegelméisseg Besuchsrecht. Wann d'Kanner iwwer 7 Joer al sinn, gëtt a ville Fäll eng résidence alternée op Prouf decidéiert.*

An deem Zesammenhang wëllt ech de Ministeren dës Froe stellen:

1. Wéi oft gouf zënter 2018 d'Residenz vum Kand bei der Mamm fixéiert a wéi oft beim Papp?
2. Wéi oft gouf engem Elterendeel zënter 2018 d'Besuchsrecht entzunn?  
Existéieren hei Zuelen opgeschlësselt jee nodeems dëst fir d'Mamm oder de Papp decidéiert gouf?
3. Am Artikel 371-1 vum Code pénal steet:  
*Seront punis d'un emprisonnement de huit jours à deux ans et d'une amende de 251 euros à 2.000 euros ou d'une de ces peines seulement, les parents et autres personnes [...] qui ne représenteront pas à ceux qui ont le droit de le réclamer, [...].*
  - Wéi vill Plaintë goufen et am Zäitraum vun 2018 bis 2023 betreffend dësem Passage vum Artikel 371-1 CP?\*
  - Wéi oft gouf am selwechten Zäitraum d'Strof op Basis vun dësem Passage vum Artikel 371-1 ausgesprach?\*
  - Wéi vill Plainten op Basis vun dësem Passage vum Artikel 371-1 CP goufen am selwechten



Zäitraum vum Parquet ad acta geluecht?\*

*\*Falls d'Ventilatioun net fir dëse Passage sollt verfügbar sinn, da w.e.g. op Basis vun alle Fäll vum Artikel 371-1 CP.*

Mat déiwem Respekt,

---



CLEMENT Sven  
Deputéierten

